

(20) زمن العجايب

زمن العجايب يازمن	من غير تمن بعـتنا
شمّت فينا العوازل	شمّت فينا العدا
دا يوم يفرحنا يهـينا	ويوم يجرحنا يبـينا
ويوم ينور لنا الشموع	ويوم يـملا عـينا بالدموع
ويوم يفرّقنا	ويوم يغرّقنا
ولو افتكرنا يوم	العمر ينسـانا
زمن العجايب يازمن	من غير تمن بعـتنا
شمّت فينا العوازل	شمّت فينا العدا
زمن العجايب	حتي القـرايب
اللي حته منا	دول بعـدوا عنا
فرقت كل حبيب	غربت كل قريب
آه يـازـمان	ما لهـوش أمان

بهِـدَلت ناس وعَلّـيت ناس

ونـاس تدوس ونـاس تنـداس

مـا هو بالفـلوس شـرا النـفـوس

زمن العجايب يازمن من غير تمن بعـتنا

شمت فينا العوازل شمت فينا العدا

فيه ناس 00000 عندهـا إحـساس

وناس غريبة ما بتـحس لـو ماسكة ماس

وناس تحب الماس وناس حياتها باس

ونـاس تدوس ونـاس تنـداس

مـا هو بالفـلوس شـرا النـفـوس

زمن العجايب يازمن من غير تمن بعـتنا

شمت فينا العوازل شمت فينا العدا
